

(1) Би һәһәндеңәв эһйкәкән амаскй амйм, инңәһий, һәһәннәлбон нимңакәрбә. (2) Нөнон һәһәндеңәв, он делйнун һеңан һакир һакирдивар дюгәтлйдесәтын. (3) Умукон бирадү бисәл делйнун һеңан. (4) һеңан һәлә эр думаилча. (5) Эр нөнон утәлә һеңан һакинин эрупчуми бисә, коңномоми, һуюкукон бинә. (6) Ёкун-дә, анты-дә бәе эвкй деврә бисә нуңанман. (7) Улдән-дә эрупчу бисә. (8) Тар думаидяся. (9) Думаилча, гуннә: (10) «Он никәнә, делйнун эрә һакирдивар дюгәтчаңәвун?» (11) Делй һакинин һәгдыкөкун бисә, багдама. (12) Улдән-дә ая. (13) Тар бәе һузулин делйвә бултәдевкйл бисәл. (14) һеңанмә эвкйл әвән тара-дә бисәл. (15) Тар һеңан делйвә гәләктәнәһинән. (16) Биралй әенденә, әенденә, делйвә арсаран. (17) «Дорово, делй!» — (18) гунән. (19) «Дорово, һеңан!» — (20) гунән делй. (21) «Кәлә һиннун һәһәннәдем. (22) Мит аңгәт, — (23) гунән, — (24) һакирдивар дюгәткәт. (25) һинңй һакинды-дә ая, багдамакәкун, һәгды-дә. (26) Улдәс-тә ая. (27) Тарит һинә бәе һузулин девувкйл, аяувкйл. (28) Минә эвкйл деврә ёкун-дә. (29) һаким-дә эрупчу, улдәв-дә эрупчу. (30) Тарит һиннун һакиндии дюгәттөи никәсәв». (31) Делй һөкәсилдан. (32) һөкәнан. (33) һөкәнан, һеңан нуңанман көнөрәкин. (34) «Он-ка бүдем би һиндү һакинми? (35) һинңй һакинды-ка эрупчу, коңномоми, һуюкукон бинә». (36) һеңан һимулалдан. (37) Делй, горово һимуләканәм, гунән... (38) Әвләнилдән. (39) Гунән: (40) «Кәлә-тә, һеңан, һакирдивар дюгәткәт. (41) Би һиндү бүктә мәнңйи һакинми. (42) Би һинңйва һакинмас гәкта». (43) һеңан урунән. (44) һеңандү бүрән делй мәнңйи һакинми. (45) Багдамакәкунма, һәгдывә һакинми мәнңйи бүрән. (46) Бүрән-дә, һеңан мәнңйи бүрән, коңномово, һуюкуконмә һакинми. (47) Тар һәлә гунән һеңан: (48) «һәлә эдук бәел девувкйл минә одяңәтын һакинтыкйвәрә. (49) һаким ая одан-дә, (50) улдәвәв-дә девдеңәтын. (51) һй-кә улдәс аямама. (52) Улдәвәс девдедеңәтын бәел, һакинмас-тә эмил деврә. (53) Улдәвәс девдеңәтын. (54) Улдәс һинңй аямама. (55) Мәнды-дә һәгдыләс һө биһиндә. (56) Туң никәрә-дә, һуруттә бәйдә, әәһиттә. (57) Тарит эһйдәлән һеңасәнмә девувкйл бәел тавәр һакинтыкйн. (58) һакинин алапчумама, багдамакәкун. (59) Делй һакинман эвкйл деврә. (60) Мәнмән толькө девувкйл, улдәриктәвон. (61) Тар элән нимңакән.